

LA VETA DA FLURIN CAMATHIAS – 100 ONNS PLI TARD DAS LEBEN VON FLURIN CAMATHIAS – 100 JAHRE SPÄTER

En quei text va ei sur dalla veta da Flurin Camathias e co el havess viviu 100 onns pli tard. Quella veta ha entschiet ils 6 da mars 1971 a Glion ed ei semidada dil tuttafatg. Flurin va adina vinavon cul temps e vegn era pli e pli moderns.

Dieser Text handelt von Flurin Camathias und wie er 100 Jahre später gelebt hätte. Begonnen hat es am 6. März 1971 in Ilanz/Glion und dann nahm es seinen Lauf ... Flurin geht mit der Zeit und wird auch immer mehr und mehr «moderner».

Nina Camenisch (*2005), Isabel Cabrin (*2005) e Janine Caviezel (*2005)

Flurin Camathias ei naschius ils 6 da mars 1971 a Glion. El viva cun sia famiglia a Laax. Sia veta ha entschiet detg nunspectacular.

Flurin ei ius a scoletta e suenter aunc nov onns a scola. Ella superiura ha el giu signur Rico Deflorin sco scolast da classa. Perquei che Flurin era buc adina in grondius scolar, ha scolast Rico mintgaton stuiu leger ad el las levitas.

Cura ch'il Flurin ha giu finiu la scola obligatorica a Laax, ha el entschiet in emprendissadi sco informaticher tier la Arena Alva. Suenter ch'el ha serrau giu igl emprendissadi da quater onns, ha el aunc luvrau in onn vinavon per fadigiar daners.

Suenter quei onn ha el fatg quei ch'el ha adina schon vuliu far: Flurin ha fatg 1995 in onn da brat a Brasilia. Leu ha el empriu d'enconuscher Marta.

Cura ch'igl onn ei staus vargaus, ei Marta sedecidida da returnar anavos cun Flurin en Svizra. Marta ha entschiet in emprendissadi sco frisunza. L'entschatta digl onn 1997 vegn Marta en speranza cugl emprem fegl Elano. Suenter in bi onn da famiglia en treis, ha ei dau ina gronda tragedia: Ils geniturs da Marta ein morts a caschun d'in accident d'auto. Flurin e Marta ein sedecidi dad ir anavos ella Brasilia e surprender il menaschi dils geniturs. Ils geniturs da Marta eran ils organisaturs dil carneval da Rio, ina gronda tradiziun a Rio de Janeiro.

Flurin e Marta ein stai prompts da surprender il comando. Suenter dus buns onns cun succes vegn Marta per la secunda gada en speranza. Suenter ina greva naschientscha, igl onn 2001, vegn la pintga Nivia sil mund. Ella ei sauna. Cura che Nivia ha survegniu nov onns, ein els vegni informai che Flurin savessi haver cancer. Suenter biaras examinaziuns e duas operaziuns han els constatau ch'el hagi cancer dalla pial. Suenter quater onns chemoterapia eis el staus libers dil cancer.

Igl onn 2015 ei Marta sedecidida da returnar per in onn en Svizra per luvrar. Cura che Marta era sin via en Svizra, ei igl aviun daus surengiu ed ella ha buca surviviu igl accident. Flurin era trumpaus ed era surdumandaus culs dus affons.

Suenter treis onns saveva el puspei pigliar a mauns las caussas ed ha organisau sez il carneval da Rio. El ha envidau la cantadura Sophia Salvador. Sophia ha plaschiu schon naven dall'entschatta detg bein a Flurin. Els ein secapi fetg bein. Era suenter la fiasta han els fatg bugen caussas communablas ella veta privata, tochen ch'els dus ein vegni in pèr d'amur. Igl onn 2019 ha Flurin priu ensemen tut la curascha ed ha dumandau Sophia, sch'ella vegli daventar sia dunna. Ella ha detg «gie» ed els han giu ina bellezza fiasta sper la mar da Rio de Janeiro. Flurin era quei mument il pli ventireivel um sigl entir planet. Els han giu in bellezza onn da famiglia - puspei en quater.

Il december 2020 ha Sophia survegniu la diagnosa ch'ella hagi corona. Ei mava adina mender cun ella. Dus meins eis ella stada silla intensiva entochen ch'ella ei morta.

Flurin ei puspei staus tut trumpaus ed ha buca pli saviu tgei prender a mauns. Per cletg ha el aunc ses affons che han mirau dad el ed han gidau el nua ch'els savevan. Flurin ei sedecidius da star uss per sia entira veta mo aunc cun ses affons. Ils affons han organisau per el ina biala fiasta da natalezi.

Uonn ei numnadamein in onn fetg special. Flurin vegn 50. Ils affons han envidau tut ils amitgs da Flurin e festivau tochen tard viaden ella notg.

Cordiala gratulaziun!